

CENSURA THEOLOGORVM ORDINIS.

Cœlestis Agricola, scilicet unigenitus Dei Filius, de quo Propheta Jeremias prædixerat cap. 14. *Quasi colonus futurus es in terra*, in agrum suum, quem in sudore vultûs sui excoluerat, & proprio pretioso sanguine suo fœcundarat, (Catholicam puto Ecclesiam) nunquam intermisit sedulos cultores seu Agricolas mittere, qui ex eodem nociva vitiorum zizania extirparent, & præclara virtutum germina infererent: inter quos multum Reverendus Pater Georgius Dusseldorpiensis, Provinciæ Coloniensis Fratrum Minorum Capucinorum Prædicator, & tertio Minister Provincialis, tanquam sedulus Georgus, seu fidelis Agricola, cœlestis illius Agricolæ zelosus æmulator, in eodem Dominico agro per quadraginta annos & ultra strenuè, & in sudore vultûs sui laborare non destitit. Testantur id Conciones summa cum diligentia elaboratæ, magnoq; populi Christiani accursu & applausu è diversis Provinciæ nostræ cathedris prædicatæ, quas moriens post se reliquit: è quibus compitatum est Volumen præfens bipartitum, cui titulus *GEORGIA GEORGIANA POSTHVMA*, sive *Geistlicher Newer Akerbau* complectens Conciones in omnes Dominicas & Festa totius anni, quas nos infra scripti ex speciali mandato multum Reverendi Patris Albini à Kervendunck, ejusdem nostræ Coloniensis Provinciæ Ministri Provincialis accuratè perlegimus, nihilque in illis aut orthodoxæ fidei, aut morum integritati repugnans deprehendimus, sed ubique validis sacræ Scripturæ sanctorumque Patrum testimoniis roboratas, pulcherrimisque conceptibus sic ornatas invenimus, ut dignas censeamus, quæ ad multorum id unice expetentium utilitatem mediante prælo publicam lucem aspiciant. Datum Dusseldorpii in Conventu nostro Fratrum Minorum Capucinorum die 18. Januarii Anno 1695.

F. FLORENTIUS Bonnensis Capucinus,
Guardianus, Definitor, & SS. Theologiæ Exlector ind.

Fr. NICOMEDES Bârgentricensis
Capucinus Guardianus ind.